

白奪山人集序

魯仲連以東海布衣不帝虎狼秦
折新垣衍而扼其吭其奇偉俶儻
之氣高視一世而棄所詘獨聊城
一矢奪人之守以下齊於大義稍
不合然其書與燕將者尚傳之至

今嗟呼豈非以其人哉夫人苟高
視一世文章雖詭於義被乎其後
而猶不泯滅况身負奇偉倣儻之
氣而又能卓犖善持論則其詞之
必傳於世也當何如哉始吾遇白
奔山人粗識其崖略或謂是空言

喪事實耳迨徐觀所爲蹈東諸集
然後知山人非空言喪事實者歲
在甲申生民促數耗矣是昔河北
諸路未有所屬而其間雄駿魁矯
自異之士莫不弮弓砥鏃南望檄
膺願爲國家出處力扞疆圉山人

黃厚二
于是起彭城拏舟南渡慷慨叩幕
府抵掌畫策旦夕提一旅北向收
召豪傑繫諸路人心慕府心才其
言顧唯唯師期爽日山人知策不
果用則又請空名告身數百紙乘
時造往視忠義爲鼓勵俾逋寇叛

帥不得以踰昔渙散少有睥睨兩
者計俱不行山人旋引去徘徊海
澨而事已大壞不可爲矣顧是時
名延攬者競欲爭致山人以爲隱
然一敵國鴻冥不可弋又倚齧圖
必殺之齧齧數季竟脫於難山人

既鬱鬱不志得遂放浪賦遠遊
北山川之雄渙古帝王都會之瓌
璋意所薄射輒擊節悲歌獨恥作
聯城書其詞率軌於大義而山人
亦自謂必傳於後以視魯連直過
之耳抑吾有疑焉連折衝謀後十

五季而始皇稱帝使連果前死則
連易矣連未前死而蹈海以死此
何等事史乃失書吾意其必飛遞
遠引終身海上而卒不聞始皇以
前此之故必欲羅致就彼戎索然
則秦法猶寬也山人以爲何如

重允赤奮若之余月廬山季

弟黃雲師具艸



古逸題辭

昔仲尼之刪詩也肇自關雎終於殷武虞夏以上無聞焉蓋世遠文湮金石剝泐不足成篇什也郭茂倩樂府原始西京古初歌謠散佚者亦復闕然馮汝言詩紀梅禹金古樂苑追邇旁蒐凡歌謠引誦暢操箴銘諺語殘章隻句悉以古逸詩名之刻諸本集之前可謂閱覽博物者矣余謂古初歌謠散佚篇什亦當

時有心人從間冷中寫其間見性情且世代復與庖
琴媧笙咸池大章之樂先後傳流是真詩三百之星
宿海也豈得一槩置之因采其有禪風教者雜詠之
斷制咨嗟藉題寄賞不徒徬其體擬其辭也列之卷
首用資典觀

古
去海字較

白奔山人識

白奔山人詩目錄

卷一

古逸

皇娥歌

白帝子答歌

擊壤歌

康衢誦

卿雲歌

黃鵠歌

易水歌

垓下歌

大風歌

八公操

秋風辭

落葉哀蟬曲

白奉山人詩

古逸

皇娥歌

古浦閣爾梅古古氏著

王子年拾遺記曰少昊以金德王母曰皇娥處璇宮而夜織或乘木桴而晝游經歷窮桑滄茫之浦時有神童容貌絕俗稱白帝子即太白之精降乎水際與皇娥讌戲撫桐峰梓瑟皇娥倚瑟而歌白帝子答之云云按本辭皇娥六句白帝子七句純是西漢柏梁

自石山人言
體豈當時已有七言詩耶余未之敢信也迺其歌有
樂而不淫之意擬諸本集之首彷彿三百篇之關雎云
絳霄初曙海光曠夜色精華銀漢空星辰燦燦繞璇宮織罷
乘桴滄渚東妍姿絕世金天童玉搖雜佩音玲瓏夔山寶瑟
斲桐峰山川響應協笙鏞仙衢花鳥氣融融雙鸞並駕歌春
風

白帝子答歌

崑山靈鷲駕空烟遙集窮桑啄玉田有美一人桴梓船清明

在躬澤媯然芙蓉灼灼九光綖桐峰取梓被朱絃並坐鼓之
響瑤川神魚出聽紫蛟旋仙音婉粹吐芳鮮唱予和女歸金
天

擊壤歌 有引

帝王世紀曰帝堯之世天下太和百姓無事有八九
十歲老人擊壤而歌云云按本辭六句古音簡質非
後人所能擬因括其意而咏之

中天之盛虞書載之史臣或謏野老無私如頌父母何有飾

辭歲晚務閑聚族以嬉擊壤而歌有如小兒

二

壤之爲技與劍術通腹豐末銳跳地凌空無翼而飛遠射其
墉雖童少戲實有拙工其詞云何作息嗚嗚其人云何皆八
九旬之老翁嗚呼盛哉是之謂時雍

風土紀云壤以木爲之長三四寸前廣後狹形如屐臘節
童少將戲先側一壤於地遙於三四十步以手中壤擊之
中者爲勝余按此戲近世有之但手中壤與地上壤不同

手中壤形如劍有刃有柄地上壤如棗核中腰着地兩末
尖竅將戲先畫一小城於數十步外而以手中劍刃剝地
上之尖跳空數尺又以手中劍橫揮之使入所畫之城或
過或不及則有罰名曰打臘兒

康衢謠 有引

列子曰堯治天下五十年不知天下治與不治乃微
服遊於康衢聞童謠云云堯喜問誰教女曰聞之大
夫大夫曰古詩也

太平有象驗之羣黎矢口而吟童子何知厥聲載路遂成口
碑惟帝念哉猶曰其咨

二

粵稽放勲治臻厥極上下相忘各適其適康衢作頌小民之
質莫知所從高文典則大章樂作采風拊石

按古辭四句與雅頌皇矣思文詩頗同高簡渾成四言極
則也贊之

卿雲歌

有引

尚書大傳云舜將禪禹俊乂百工相和而歌卿雲帝
唱之八伯賡之帝乃載歌云云按玉海逸詩本辭三
章今總贊其盛分爲二章不敢言擬也

載觀盛世維舜鮮倫孝治格天嘉瑞駢駢竭厥菁華髦倦於
勤心傷胄子弗克荷薪授之神器將虛我民爰咨羣后慎擇
賢君二十四官燦列星辰僉曰平成司空之勲帝喜曰俞付
託得人禹承曆敷虞退作賓鳳儀獸舞火藻龍紋韶音格祖
考鐘鼗鼗昭示萬國慶此黎元

天不私子帝不私臣神高卑聽玄德升聞和氣蒸祥綴兆氤
氲如懸素壑巧繪穠雲山河草蟲下及魚蠅影呈其中不見
組紉非烟非霧百采輪囷聖王在御蔚此華雲八百稱觴懽
奏卿雲

黃鵠歌

有引

魯陶嬰者陶明之女也少寡養孤無疆昆弟紡績爲
產魯人或聞其義將求焉嬰聞之恐不免乃作歌以

明志此亦有關風教者之事故擬之

悲夫黃鵠之早寡兮七年獨宿思故妯而不見兮中心蹙蹙
恐爲他雄之所暗窺兮形影踟躕明知死者之不可復生兮
其如初志之不可辱願相從於地下兮聲旣吞而復哭苟賢
者之鑒我兮當不罪此抵觸嗚呼哀哉兮慎爾黃鵠

易水歌

風起河干兮萬里塵白雲隔斷兮燕與秦登車不顧兮指咸
陽成功歸來兮報先王

垓下歌

楚歌滿山兮暮風吹天之亡我兮此一
時天之亡我兮何足悲
顧虞姬兮將別離離兮離兮將別離

大風歌 有引

此漢高帝歸沛上歌也後人原不必擬
即擬亦終不似即似矣亦不能出其範圍
但樂府始於漢而漢始始於帝則此歌
猶之四始外之一始也故擬之

大風起兮雲四馳布衣出門兮天子歸
斬白蛇兮逝烏騅羣

雄發難者盡芟夷歡呼父老兮桑梓輝
擊筑酬吟兮忽然悲何以安劉兮人不知

八公操

紫龍啣物怪如笈兮中藏道書光炯炯
兮神仙騎之忽來集兮重閣巖扃以然
入兮衆視不見獨我揖兮授我靈藥香粒
粒兮造物忌刻當什襲兮九千年天無
極兮吁嗟乎何修致此公之力兮

秋風辭

秋風起兮四郊寒雁驚塞北兮不能安埽白雲兮有所思佩
菊蘭兮採江籬簫鼓發兮月在波搖兮舞兮渡汾河駐中流
兮美人歌將夜兮兮息草香兮靈薄兮撫朱琴露沾林薄兮
光深深洗竿更對兮視落福忽東方之漸高兮漏何促望神
山兮心蹙蹙

落日哀蟬曲

露垂垂兮樹聲花一色兮煙凝坐空簾以無語絕幾步而忽
停驚沾袂兮落葉仰在天兮秋星呼有人兮寂然似乍夢兮乍醒

樂府題辭

漢書禮樂志云武帝定郊祀之禮采詩夜誦以李延
年爲協律都尉多舉司馬相如等數十人造爲詩賦
略論律呂以合八音之調此樂府之所由昉也後世
遞相承襲羣臣奉詔撰辭皆以頌其本朝功德至於
登臨讌射別有鼓吹相和清商等曲亦得列之宮懸
然其辭皆詩也詩以六樂余觀虞帝命夔詩言志歌

永言聲依永律和聲則是詩爲樂始樂爲詩終興於
詩成於樂二者合而爲一固不可偏廢也顧其間有
雅俗之分焉詩主乎辭樂主乎聲辭或出於田野男
女游客戍士之口未必盡雅以聲代之而後雅者雅
俗者亦不覺其俗孔子刪笙詩而存其題正慮其不
雅而避之束皙補亡殆不知此義也卽如漢郊祀十
九章安世房中十六章短簫鏡歌十八曲多有不可

曉者若病婦孤兒廬江小吏等詩舛錯褻俚縉紳先
生難言以誦之郊廟宴饗嘉賓之前可乎故必隱其
辭而以聲代之俾聽者悅其管絃節奏而忘其爲舛
錯褻俚斯稱善耳乃又有謂郊廟詩歌未有祖宗功
德之事余謂古人作樂如今人演傳奇雜劇隨賓主
之命登場侑酒不必拘定某事某人當作某曲故詩
卽樂府而又有不卽是樂府者毫釐千里非好學深

樂府
卷二
思心知其意者詎可與之微言也哉

白奪山人識

白奪山人詩目錄

卷二

樂府

笙篴引

薤露歌

蒿里曲

善哉行

東門行

枯魚過河泣

出塞

大堤曲

瑯琊王歌

紫驪馬

採蓮曲

折楊柳

玉塔怨

夜度娘

猛虎行

君子行

子夜吳歌

征婦怨

烏夜啼

四時宮怨

四首

巫山高

俠士行

漁父辭

采菱歌

臨高臺

鶉鷓行

江上行

白弁山人詩 樂府

古沛閻爾梅古古氏著

箜篌引 有序

一曰公無渡河崔豹古今註曰箜篌引朝鮮津卒崔里子高妻麗玉所作也子高晨起刺船有一白首狂夫披髮提壺亂流而渡其妻隨而止之不及遂墮河而死於是援箜篌而鼓之作公無渡河之曲聲甚悽愴曲終亦投河而死子高還以其聲語其妻麗玉麗

玉傷之乃作箜篌而寫其聲名曰箜篌引

公無渡河河不可測披髮中流使我太息

薤露歌 有序

亦曰泰山吟行喪歌崔豹古今註曰薤露蒿里並哀
歌也本出田橫門人橫自殺門人傷之為作悲歌言
人命奄忽如薤上露易晞滅也亦謂人死魂魄歸於
蒿里故有二章至孝武時李延年乃分二章為二曲
薤露送王公貴人蒿里送士大夫庶人使挽柩者歌

之亦呼為輓歌

薤上露晨生澤日光始之稿無液人身生死歷百年止如薤
露一朝夕

蒿里曲

鬼風紫夜驅人命入蒿里山川與人無愛憎生前不同同一
死

善哉行 有序

此相和歌瑟調三十八曲之一也亦曰日苦短並東

門行皆載王僧虔技錄題繁不能遍擬擬其二以存
其體云耳

秋暮霜來野無生草及天未雨補室宜蚤 一解

山高林叢猛虎當道旁有伏機虎不自保 二解

今日懽樂賓主無憂酒醒事生各自有求 三解

富貴寵人疾病忽至明日今日情景離異 四解

陔彼東海望三神山風吹濤逃家在其間 五解

日出口人以曙以暝熱豈不寒死豈不生 六解

東門行

出東門路透迤去終歸來終歸去何爲兒女索衣食不可
得哭且無已時安能坐聽之我生何事不如人人富貴我貧
賤如斯仰天四顧歌聲悲

枯魚過河泣

枯魚初釣時自悔貪香餌哀汝放歸河見餌復如此

出塞

夜風吹入幕聽之盡蘆笳星出天影黑枕刀卧秋沙

大堤曲

大堤種垂楊或問桃與桑妾心生嘆息紅綠不可長

二

提籃採蕨食葉嫩不堪煮且坐鬪百草都是隣家女

瑯琊王歌

兩襠新繡成襯人顏色好問君有他心顏色忽如草

二

錦馬懸寶刀解下垂柳陰不遇可殺人不動殺人心

三

美女立橋欄公子舖地卧鳴箏感行人遲遲不能過

紫騮馬

騎馬走險路雙眼看路旁恐有負心人捉刀慎提防

二

酒樓逢壯士聚飲如平生止此千里馬贈君我去行

採蓮曲

移槩花深處新葉壓殘葉妾粧不如蓮蓮心不如妾

二

倩郎整雙釵採蓮墜一枝釵墜何足惜恐使郎心疑

折楊柳

短笛變新聲下馬折楊柳縮管時所歡謂曾經儂手

二

明月照空牀獨坐淚如絲同伴莫相嘲當亦有淚時

二

休苦人去遠夢裏豈非人短夜何無情醒來餘一身

夜度娘

漏永燈光微有聲自屋梁今夕復何夕山鼠催娘粧

猛虎行

智虎能分別噬人亦護人威嚴立山岡保此衆狴折愚虎唯
白飽顛倒卧荆榛不顧山中物乃爲狒獯吞兼之媚獸多生
殺恣笑擊智虎豈不殺天刑有跡親

君子行

美玉先自愛遂爲衆所珍卽使終在璞不聞耻玉貧梁肉豈

豐好豈敢餉鳳麟嗟嗟桐江叟天子不得臣拾金汗生平樂
羊媿婦人

子夜吳歌 有序

亦日子夜四時歌子夜晉女子名也與白紵同一曲
在吳爲白紵在晉爲子夜故梁武本白紵爲子夜四
時歌後之擬此歌者曰白紵則一曲日子夜則四曲
皆屬清商

今年春不寒花開亦太早郎說明日來落紅且莫掃

二二

新荷隔南池紅白照亭欄不敢臨風倚人熱妾心寒

三

夜樹壓庭簷看月不分明坐深待月後處處是秋聲

四

掃雪試新茶俱食接玉盞夜來醉郎前今日妝束晚

征婦怨

玉關遠不遠但隔西山樹此間原非妾妾心在郎處

二

近日夜偏長惱人天不明結想在好音忽聞喜鵲聲

鳥夜啼 有序

宋元嘉中徙彭城王義康於豫章郡時臨川王義慶
 為江州相見而哭文帝怒召義慶還宅義慶大懼妓
 妾聞鳥夜啼叩齋閣云明日當有赦至及旦改兗州
 刺史因作此歌後人誤以為征婦出塞等曲則謬矣
 鳥夜啼啼不止從來鳥啼不如此星黑牕未明心驚披衣起

郎歸倘在今夜裏

右與子夜歌莫愁樂襄陽樂前溪石城王昭君等曲皆清
 商三調三調者平調清調瑟調也亦曰清樂乃周房中樂
 之遺聲漢魏相繼至晉不絕永嘉之亂中朝舊曲散落而
 清商猶傳江左所謂梁宋新聲元魏孝文之所收纂是也
 隋文帝篤好清樂以為華夏正聲故平陳之後置清商府
 若巴渝白紵皆任焉至唐武后時猶存六十三曲

四時宮怨 四首

白香山詩集卷二 七
禁苑垂楊綠花飛一半殘東風吹蛺蝶猶自惜春寒春

二

翠絡龍皮扇冰盤羊髓瓜小璫傳內讌風裏做琵琶夏

三

玉階鳴落葉葉上帶新霜微步青桐閣宮幃獨自涼秋

四

獸炭籠深闥冰廊不起塵挑燈孤枕畔長漏寂無人冬

巫山高

妾家湘水岸日日弄湘波來去逐春雲君王夢奈何

二

巫山一拳石何事惱相思夢自君王生雲行那得知

三

東風牽蕩子處處巫山神醒來看山色不是夢中人

俠士行

丈夫感意氣不在贈黃金顏色稍輕薄千金猶痛心

二

白香山詩集卷二
豪華非所難所難獨知己不爲五侯生其爲布衣死

漁父辭

一水涵千峰水平峰影微漁家坐孤村遙望天四圍白日見
鷗鷺夜見熒火飛熒火飛來燒人衣問君白日何所歸峒山
居者笑行者我自騎船君騎馬騎馬長途倦殺人何如采得
西風蘋

采菱歌

薏苡香肥黃菊瘦羅衣不耐西風溜大家小家歌采蓮鷓頭

葉紫實如錢今年花比去年少蓮子空比去年小百畝荒荒
租稅急官吏催征夜不息刈草鋤瓜賣幾何蓮子不如蒲笋
多先賣活魚後賣菱茆房破碎草青青未到冬時霜已冽田
夫散散空如雪大河兩岸垂柳殘淇園之竹血成灘兒女衣
食無空秋白雲蕭索雁聲愁我行其野曠如此荒阡枯骨誰
家子

臨高臺

絳雲緲靄野光簇垂楊白偷閒青綠耕夫挽牛鞭不快燕子

泥巢翅羽禿今年二月又逢閏云何風色慘蕭蕭故鄉親友
相見無一語但言徭役逼人徧地哭我適來掃松間墓蕭條
四望煙無數官租如火米價賤貧者無米催科現麥田未知
收何如子女賣盡糧仍欠臨高臺兮望秋水深宵野火飛燐
鬼

鵝鵝行

鵝鵝立江干江魚不敢下一時風雨冥雷電如奔馬有鷺謂
鵝云橫哉何謂者江外是青山江渚是青萍欲借青山砥青

萍青萍鋒吼青山驚欲借青萍斬鵝鵝句破山飛江水枯一
樽携得樊川上千峰萬峰皆對面鵝鵝睡午起青啼漁父無
魚兒女饑不如棄却此風波把斧去樵前山阿山阿之下見
黃河且宿光茫射蛟鼉內有仙人住丹宮六月天氣披春風
長江萬里月明空一片花香酒盃中

江上行

漁火隔江青飛飛雜濕螢雨後飛不疾滯在江之汀汀上竇
船睡如蠅瞿塘之瀨響冷冷風細天高月正橫此時安得有

人行有人行無人聲芭蕉葉上露光碧隔離映之如江屏休
矣莫使魚龍驚

白全山人詩目錄 卷三

五言古

古道

雲漢

懷古 八首

送錢礎日游山東

田家四時詠

贈張冲玄

贈張先誠

秋夜贈蔡際飛

看花南閣同葉潤山分賦

游夏邑李氏園

南遷

過圮橋

海上書友人扇

劉伶墓在華嚴庵後院詩以敬之

書扇祝張端甫

游揚州梅花嶺

寄唁潘殿虎

西湖遇張五高年丈

別西湖

歸安道中咏桑

嘆桑

從支硎過中峯觀趙凡夫臨帖草堂

別朱雲子於佛惠庵

知季弟入庠

金山忽遇張廷繡

馬陵山步月

次下邳湖中賦湖棹難

題畫

飛來峯

鴻雁行別莊尚之

遇宋建之自廣州來言大庾古松

流筴

古帖

題崑山之玉峯

樊湖曲

立春贈國鑿夏仲文一首時在丘受宜酒肆與張抱珍

王茂之王子厚鄭天序江徵昌同飲

贈柏園守拙道人

白奪山人詩

五言古

古沛閣爾梅古古氏著

古道

古道亦已淪高山誰可仰
隱谷奏倚蘭鼓琴絃不響
嗟哉窮途人獨步安所往
東游之罍峰西游承露掌
秦漢多仙跡珠宮變榛莽
何水不東流何花不春長
試寫岫嶠文風雨集英

爽

雲漢

雲漢浮碧空庶星紛以燿下照巖谷間幽棲生夜彩絕世大
文章經天終古在如彼光潔人英華被四海青松喜住山鳴
禽喜噪田物情適其適不猜得自然放勳獨憂勞巢許并高
眠百年歸于盡誰知隱者賢

懷古八首

黃河來萬里滄海去朝宗經過泉溪處諸水俱率從清濁非
一路大小各雌雄與時爲盛衰怒喜看天風行人不敢渡舟
子歌鱉臙泓渚鬪笑言烟雨垂釣翁神禹知有命蜿蜒視蛟

龍

二

垂髫受詩書先人有嘉誨風雨能幾時百年如迅邁少壯猥
光陰老至將何賴知勇無所得狂瞽咨警欵往非不自知盛
名日以敗旣敗始追傷英華安可再

三

人生無不朽適意卽千秋平津脫粟飯貽笑五陵倚佳麗吹
明月琴瑟響青樓美酒種類多遍嘗交錯儔蒲萄斟玻黎酣

舞歌伊州春風逐衣香花光照筵篋曉來顧寶鏡云何已白頭

四

垓下楚歌散關中漢業成爲帝楚將季布特聲名念彼相
窘時何有瞻顧情此悲非徒以勇稱詔書嚴物色江
湖敢留客狀貌不平當苟生安可得周氏心知之賣之魯朱
家頰首就髡緝沉埋廣柳車朱家心知之急爲滕公言走北
兼走南將母驅此賢滕公心知之漢天子天子心知之

一勿竟不死感嘆時昔人憐才深至此

五

灼灼東園花忌彼春風花所眷一夜卽歲蕤風感花
無情花落不自知美人處盛年幽意與春私私春春忽公走
向花前悲若浮多好女顏色讓西施西施故善懷吳宮愁鬢
絲急買朱桂舫泛泛五湖湄常使吳宮兒想見初來時

六

梁氏方跋扈威煽肆句句質桓絕續問天子如蟻蠹太尉獨

與抗一怒覆其宗文姬時已嫁陰謀藏德公王成亦誼士持
孤走徐東他鄉易名姓忍辱酒家傭經營勞歲月措置徐雍
容苦人天所哀善人天所懷雨歇披晴光浮雲安在哉自謂
永離別豈意生歸來歸來不能喜痛極哭不止旁觀心漸
何况弟與姊拭淚還相誠往事慎勿齒往事連主上言之
無已如此深心人男兒誰辦此

七

漢家寵椒房寶田相效堯王氏爲極盛一日封五侯元后偏

遐齡新都乘其老謙恭盜太阿赤炎枯以竊居攝北周公儼
然移大寶舉朝皆聽命四海無漢臣惟獨龔彭城言從故主
人千載聞斯語猶堪泣鬼神揚雄方草少劉歆博古事喪節
取公卿何如不識字

八

袞衣何必華布衣何必賤芳草善趨時春花秋不見三月子
規鳴九月來霜雁北風支大河寒冰結歲晏神龍豈易馴江
海須臾變佳吏特知兵不與仲尼戰紫氣駐流沙金經煒雲

漢讓此聲各國服爲素王旬日月滿宮牆羣疑毋相綯

送錢健日游山東

南方有翠鳥繡羽炫瑤林不偕衆禽飛翻爲鶚所侵日出遭
羅罟日暮返江岑塵駟珊瑚佩能撞鐘呂音轅驥遇孫陽尺
骨懸千金時錢生爲相鄉相國所禮

田家四時詠

先民重稼穡春王省南畝田夫職在田孳歲勤歲首耕犢一
冬間澤澤驕欲吼于耜既風戒吉日觀維耦犁深耨復昫播

種擇前後時與地兼宜風雨懷節候老農不可欺熟察東菑
久心計通暑寒每試十得九及茲解凍初躬親率左右覘土
知螟螣選苗刈狼豕恒言貧賤人勿逐福人走倘愆芟柞期
行將田八口蚤作待秋成多寡庶無苟

二

百穀有倫次維夏屬麥秋中原稀稻禾維麥屬嘉疇四月吐
香花歲蕤若錦旒綠葉承金顛搖曳罨平丘風吹殺紋滿穗
齊刈修修踈密影芊綿勢廣高下周扶犁察生氣色同月漚

日本山詩集 卷三 五
溝五月粒始堅村村結圃學鎌鋤初發矧腕舒鋒不留畏炎
紛戴笠襖袂汗湧流饑者携筐筥擇陰垂楊陬遙呼辛勤士
渴矣聊暫休天旣愛農夫兼爲寡婦謀寡婦拾遺乘行列逐
偃僕莫惜偃僕苦坐貽歲暮憂桑老蠶務畢棋閒綴樹稠兔
葵嫩可烹園花放朱榴日出勞我人星出勞我牛與歸取其
實紀數以薪籌享茲分內物濁醪堪自酬

清旭步南陌夕陽越東渚種田略晚鋤佳草遂參伍大火西

始流微金不勝暑暑晴旱乘之數日乾尺許海上起昏雲濕
蟻沾柱礎霖霖兼雷霆風急寒烟舞萬樹齊悲號溜簷鳴戰
鼓千山一茫茫原隰無結上旣滋我高粱亦芳我稷黍豆葉
銜露明凌晨猶美潯新泉渙渙來銜泥帶瓜圃牧兒具綠篔
老翁持杖拄歌哭井園旁歡如病初愈猶晴輒深耘良苗可
俸數勿使狼莠盛盛衰失實上施功倘懶遲是我獨未雨苗
疏矣且華隴上如青組百穀次第登雞豚酌田祖王稅輸已
完婚喪咸得所每村有醉人田居更誰侮

四

秋露將歸老朔雲流遠山一望禾稻盡蒼樹澹踈烟呼兒好
 飯牛預耕明歲田呼婦釀新酒酒熟桑落前十月寒煥勻酒
 味芳且堅北隣老農友冬來如我閒對酌談陰晴莫非稼穡
 言不解說時事農夫無事權魚塘猶未凍投網可烹鮮緩步
 邀親朋釀社竹籬間籬間菊數種略霜不甚殘蒹葭凋既盡
 池外百餘竿仰視南飛鴻渡江避寒寒鳥知避寒去人乃坐
 關剛奈何讓微羽智計居人先束茅乘屋上一一補其穿風

巖不入壁雪深不入綿熨火閉柴門妻拏共醉然時復出門
 眺素光被川原鳴禽集枯枝饑兔窺敗園獵者牽犬過三五
 隔林端彼木束茅者安得高枕眠不思勤惰故猥云各有天
 知足天所敬助勞天所憐朱顏能幾時白髮已升巔現在宜
 受烹奈何惜金錢幾曾見金錢隨人用下泉吾自養吾生行
 樂及豐年

贈張冲玄

崎嶇不是山湖泝不是水如何此屋中山水千萬里乃知宗

少文卧游得爾爾先生七十年光顏如穉子約我至其堂所
蓄皆經史譚言多微中相長無窮止瑤花返元宵春湖發青
盡

贈張先誠

山川不媚人光華使人媚隱然草木霜入春生文字百里影
平蕪東風吹所至既至荒無田樓臺鹿角似其中有故人鞭
驢談意氣所以至君家倏忽成再歲醉飽不足言相期有成
事云何雁聲高飛飛無一寄今日下前傷前日鄙非是我欲

爲君籌當思有所濟必使萬里游不貽居停愧

秋夜贈蔡際飛

蘭膏圍素屏夜靜芸香窈圍坐悉窮交娓娓談舊好憶在淮
東時颶風淪三島藩兵渤海鯨摧殘如霜草剝予掉孤舟四
望烟波漾破浪走清河豺虎蟠津要平時汎交游臨急星散
了何期逢故人痛哭傷懷抱雙鶴舞空階聞音喚秋曉故人
瞻智兼狎敬輕鷗鳥典廢任龍蛇浮杯且狂嘯不避禍與嫌
青天銀漢皎爲我東歸裝一鞭馬陵道倏忽三十年追思魂

白在山人詩集 卷三
夢繞相感安可忘嗟乎竟衰老

看花南閣同葉澗山分賦

澗山字漢州人時以廷杖謫

村落盡平蕪蕪盡稀耕土舊
村旁煨燼不堪數寒食後
三日發興尋花園花開已
春殘楊柳雜蘅荏所遇皆故人酒
令相參伍日夕未歸來黃鸝音楚楚

二

小塢羣花繞中間構樓閣登高開
牕牖春衣東風薄土堅可
爲城棘墻可爲郭時有讀書聲
依稀雲外落世亂兵火凋文

行消索不知經世務科名如委擗
既爲任事三安敢卸牛
絡浩嘆勿復言卮酒任噴噴

游夏邑李氏園

草積無耕土燐烟燼樓閣廢垣戶不關
遺村宿九錄西風河水飛斷岸泥蕪薄
馬蹄踈樹中珊珊韻霜蕓佳付授梁徐城
空絕鼠雀守牧罔恤矜吏胥勤剝啄
漸漸歲年深源竭流易涸此中有故人
寤言悲契澗日氣又增寒荒籬墜菊
萼步入假山殘松桂香寂寞晚雲棲
石櫺枯池榛棘錯小飲藤蘿間

放歌酬齷齪

南遷

去去安適歸携家於野行小兒不耐抱奮臂呼前征十步仆
道旁呱呱顧我鳴山徑逼且曲九石匿榛荆病婦乘疲蹇暑
炎塵火蒸村落乏飯肆林陰遠不迎僕夫饑以倦招招起輒
停俱言寧居久艱難自未經漸出高峰外黃河水影明蕭條
盡日奔無一雞犬聲

過圯橋 邳州城外

若首子詩

此乃漢尾

何多報洋

必激之

長書人已去。尚有圯橋橫。在橋過乎矣。慨然太息增。當其書
未授破產苦經營。東謁滄海任術跡。任俠輕祖龍威。方震岌
岌漏姓名。一死不足惜。何以立韓成。丈夫忠所事。警諸女子
貞。霜天百卉枯。松柏勿凋零。相韓既五世。百計為韓爭。下邳
藏匿久。智勇俱無憑。鬼神鑿幽懷。故佑遇穀城。亦帝解陰符。
知己感怛怛。報韓復報漢。巍然祀漢廷。

海上書友人扇

周道多荆莽我馬蹶以痛棄馬升漁舫汎汎東海隅深雲隔

山峰蒼然一島孤中有古羽僊絕衆登巔跌雷雨夜流光
几走龍魚石丸煮可煖芝草綴玄髮我欲徃從之踏空亂濤
虛躊躇無退步言歸故山廬築室蓮渚間借讀古人書讀書
何所益聊以消居諸坐觀世變生夢覺靜蘧蘧

劉伶墓在華嚴庵後院詩以懺之

遠公結廬社愛招嗜酒人既招不設酒空池白蓮新發眉獨
歸去發醅漉葛巾彼自有醉醒非關酒因從來大解醉
屬禪後身我尋開七院午課鐘鼓陳出爲窺園內築塔供

偷豈其捐夙好飲中悔貪曠昔作竹林友今與戒者隣千載
無上下曠然一念真荷插將安往邈如隔世塵朝夕聽華嚴
長卧出迷津

書扇祝張端甫

諱我表山陽人

君長予一歲今年四十一懷酒陔中堂再獻祝康吉好友無
媚詞所言殊直率父書讀未售楮蟲嚼殘帙家貧值儉餘拙
哉治生術海外三神山紫嵐天半霏願言徃從之風濤復相
失子晉留鉢池傳疑不可必何如把綠樽親朋暫促膝齒已

踰強仕顛毛霜滿櫛及茲二月初花開柳亦萬東皇吹氣暖
明牕試新筆雞猪與魚蒜春盤薦香飯塵事推戶外澹然消
永日即此是金丹長笑無甲乙

游揚州梅花嶺

舟馬相兼行雪消路微濕老嫗慎鎖鑰選擇遊人入遊人春
夏來花開隨意拾寒色眾所棄笙歌不復及落葉積逕荒雀
糞滿亭集梅墅如隱士靜深有階級池魚非其時潛歸水下
簾嗟彼鴉亂鳴白謂巢已葺安寢在高林乃為小兒執付郭

經霜後晚晴風習習萬樹夕陽中參差烟外立

寄唁潘殿虎

諱恒華亭人

三年別都門道路阻且長雲間有夢去秋夜鱸魚香胡為逝
哲人空山墜繁霜安仁今已矣誰其語文章豈獨文章事道
義不可忘願言雖白馬未行泣傍徨知古有令子能使君不
亡北海逢虎賁如獲蔡中郎惜我無寶劍持以掛墓旁悲風
嘯林木千里水蒼茫

西湖遇張五高年丈

諱福孫江陰人

孤趣偏有敵君來爭耳目寄托殊高簡聊與山水屬狂踪發
衆疑時歌復時哭我故與君同君迺與我獨痛飲蘇公堤古
人可仲叔

別西湖

一月西湖上與湖半離卽聞見不異人領略有得失景爲時
所移山水共厥秋烟雲相吐含精華從此出欣賞兼亦取亦
兼虛與實靜觀得物情悠然變文質嘆我歸棹發夜風寒瑟
瑟

歸安道中咏桑

岸僻多截港隱村謝人徑所以草木榮叢然全其性虬根欹
虛崖半墜迺繁盛感茲潤土培風雨協時令杼軸聲未交綺
羅香已靜少婦與少女往來互相偵音去恐懼桑有災蠶亦與
之病一日未成絲一日憂靡定絲成貢天子室家獲餘慶

嘆桑

我來桑正採我歸蠶已老蠶老不念桑其下生周道餘葉聽
鳥食畦陰蓄衆草只此愛惜心初終弗克保嗟爾用桑人棄

日本書紀卷之三
擲何太早

從支剎過中峰觀趙凡夫臨帖草堂

六月初七日有記
時同單臣素

當世無解人微言誰與析
握麈尾花間鸚鵡寂
初雨峰肌妍隔林起
僧笛高下樹聲相續回
沙逐新泉墜崖聲互擊
靜視傲爲書墨迹
不可摘西山鐘鼓遙
月明上松壁

別朱雲子於佛惠庵

諱隗長洲人

山空雨初歇濕光留山樹
踈風自來庭亂響滴松露
勿念隔

溪人乘屐往尋之深閣洗
蘭花琴聲未絕時飲我以
新酒發言憤且悲文章天
下妬人宮苦蛾眉美璞君
自秘終當無愆期芳華照
千秋天下妬者誰

知季弟入座

吾兄弟三人朝夕侍庭下
老父授以詩命歌常儗雅
仲弟謝人事遊居田之野
季弟抱恙殊萬言方倚馬
年來病相尋筆墨隔世事
家貧拙治生鄰友半廢墜
上書不見報遂憂眠文字
感憤簞燈前中宵嘆以唱
夫孰余南來別爾淮陰道
觀其

容怡然溫言相慰勞南來今隔年童子持書到江湖風雨遙
正苦無消息骨肉寄好音狂喜動顏色不足爲爾嘉嘉爾將
千里譬之三神山飛渡從茲始勉勿怠荒克終集大美鳴
鳩戒征邁實維我與爾既無忝所生兼以獻 天子

金山忽遇張廷繡

諱才沛人

爲客江南久不知家人事前夕家書來封有平安字備問家
中人親疎有層次朋友唯君獨君且走燕冀余歸渡山前駭
聞君先至初以僧言失疑信如夢寤疾走入僧樓既見曰是

是君亦驚余來大呼謂何自坐觀君顏色已知不得意余不
爲嘆息但喜此相值好友逢天涯江峰皆變異功名各努力
難謀亦難避且停北去舟與君山頭醉

馬陵山步月

寒霧封野白風堅暗霜射黃河枯不奔停泥清泚瀉天遠與
岸平魚火或高下日裏諸山痕忽隨晚烟嫁舟隣盡商賈相
熟談物價携費湖海間敬慎守長夜念我吳越歸載易冬且
夏異國有奇書所求非同錄讀之月明前唱嘆使人訝素練

滿蓬牕江魚薦犀笋

次下邳湖中賦湖棹難

水落灘影雜泥草無暖日烟霧隔漁村萬里北風疾孤舟不見隣葦葭聲凜凜疑有深機人傲然霜夜出君子敬遠道患難以貞吉山川多伏險窮變安可必敵國飲食中願無忘紀律

題畫

遠山積午雪雲深不見樹稀微流水痕野村藏曲路雨忽自

西來宿影隨風去天濶海聲寂耳目無停處昨夜月明色今夕挽不住

飛來峰 杭州

古貌非頑石玲瓏屬自然草木不雜生華實經雨鮮月下琴聲出有人學神僊風起山花落紛紛滿澗泉

鴻雁行別莊尚之 時尚之留德州也

鴻雁南北翔貫維孤雁哀其飛既淒淒而止亦徘徊羽毛愛高潔恥與眾鳥階春感雨歸寒下多風竈故巢葺未完八

月秋復來矯矯映雲中結侶寧敢乖道逢白露友素質照九
垓唱和無異同敬慎德不回時維夏初晨滿洲芟荷開共飡
雨後萍菁菁如新措物各有所志相別河之涯相別勿相顧
振翮凌崔嵬東至扶桑島西訪崑崙臺靜觀得氣候招爾鳴
啾啾

遇宋建之自廣州來言大庾古松

庾嶺隔萬里昔稱梅花叢客自東粵來為我談幽蹤種梅曾
有人人歸花遂空獨存古石壁盤鬱千歲松厥高十丈餘生

動若翔龍倒覆幹垂地翠如新雨濛鱗甲既堅巖四時鳴秋
風行旅歌蔽芾山川借威容秦皇遊不到矯然不受封嗟哉
君子卉安得一扶節

流冠

流冠發大難兆自晉與秦漸次走襄野爰及潁水濱虔劉橫
已極所至血為津嗟嗟爾何忍寧獨非良民揆厥所由來大
半皆苦貧兼之催科猛飲恨莫能伸處處悲苛政呼應遠如
神朝廷初輕視守土影響陳迨其亂孔棘方始達帝宸彼亦

懼罪重誰甘為死人勢又難中止恣睢不復悛安得草澤間
忽出請纓臣天子委任專洗茲萬里塵更察循良吏往施撫
字仁幸哉此黍苗賡歌陰雨新

古帖

古人書論法功罪各自知當得古人意變化隨所宜為生在
寫神何苦工眉髭眉髭無生氣肉存亦死屍黃河鼓天風瀾
迴如繭絲剪衣不成章美錦夜含悲金和而玉節安得合與
離曲終雅韻長將歇未歇時

題崑山之玉峰

游屐空海內萬里考名山雲霧每相侵冬曉寒維茲一
拳石遙見菩提髮松檜綠勻勻五色繡其巔兕斧難雕琢嵌
空納紫嵐曲錦階藤根怪獸蹲立尖東望滄洲島浮來咫尺
間紅樓映畫橋絲竹繞青帘不難在鹿城難在不疑頑

樊湖曲

山翁住湖曲漁翁住山曲湖水多於山湖光繞山麓波息風
不停蒼蒼烟雨宿殘荷綴枯萍纏綿如裯褥本是神仙宅翻

為罨網窟半夜星辰飛眠鷗驚鷓鷯遠燈高下聯猛虎瞪雙

口

二

芡實非蓮實物各寶其房浴水呈鮮碧風吹處處香佳人擢
蘭舟采葉剪衣裳蓮葉躍明珠芡葉胸鍼苦野老編竹籬花
隙種麻桑麻桑苦價廉寧堪供稅糧因悲處士難轉為昔賢
傷桃源豈無路恨不獲漁郎

立春贈國鑿夏仲文一首時在丘受宣酒肆與張抱珍

王茂之王子厚鄭天序江徵呂同飲

野田水未鎔零露垂簷際寒宵秉瓦燈烟光不成寐史經隨
手翻眼鏡穿蠅字倦起步階前滿天星奕奕四顧影茫然見
童皆熟睡曉來聞村叟立春明日是策蹇過城南看伊春何
似板破飛雲倚踏之心悸悸東街訪故人煎茗藥欄次故人
豫章客遭亂家祿棄維學博無窮隨方作游戲百卉染崎嶇
者悉舍汝時衰心未衰長吟肆理瘞閒持筆墨華金碧烟嵐

異目空少推許相憐獨吾輩倏爾江海聲臘月南風吹汝家
世澤深難道君身墜搔首且呼酒非醒亦非醉流寓廿七年
今將八十歲吳客有青窻與君談往事往事那可談爲君聊
作記

贈柏園守拙道人

園在太原府城北

海內無多路行游千萬折浪傳五嶽名數拳小凹凸星辰何
勞勞昏且循舊轍川原自消長其如人壽歇旣不能長視安
知生與滅帝王及聖賢虛空現塵蟻盛衰會有時報自稱難

饑泥土煩弓刀經史污筆舌霜落野卉殫草火飛燐血習者
心笑之夷然去不屑我陟太行巔漳汾風凜冽柏園老羽士
布袍鶴首結趺坐一蒲團靜寂忘歲月問所得何物答云號
守拙登樓望岫圍寒烟暮紅葉暮伴案上閉主賓爭打劫神
仙莫妄求卽此傳丹訣嗤哉名利兒腐鼠閑腥穴

白香山詩目錄 卷四

七言古

秋園詩 四首

月青歌

苦蝗行

楚姬行

醉後贈羅商兩山人

月夜歸至耿莊

送李武曾之貴陽

題錢礎日十峯草堂

出都門往游西山

別都門

次臨清程際飛張雲漢喻子卓招飲戲贈女郎傅大

放船見墮河者

分水龍王廟

毘陵遇徐九一太史賦相逢行

劉同人北赴秋闈遇于虎丘月下詩以送之

黃華山觀戲

柳麻子小說行

題李武曾駕湖秋錦堂

月夜西莊泛舟過華嚴寺舊居

漁翁醉

牧童曲

遙夜吟

溪上吟

問接花者

答

卽事書友人扇

爲梁伏村醉後書

贈張冲立

贈張先誠

採桑曲

晤易儀侯

別文初

別瑞初

鉅野行爲畢開之畢位二作

虎丘遇陳聯芳

桃花城秋夜贈方爾止處士

題方爾止四壬子圖

太原贈周計百

見山堂歌

玉峯獵

歌臺猛士行

秋夜塔兒頭卽事

游平山堂

虞山寒食行

漳南行

白奪山人詩

七言古

古沛閩爾梅古古氏著

秋園詩

明月穿高樹樹高月影踈樹與月成文照此蕉牕書蕉牕書
亂堆幾許雜露星針紛風羽靜坐呷吟對古人掀擗一笑集
風雨步到園北天初晴槐下兒童吹蘆笙

二

燈下花光多靈異看花燈下影疑似美人素妝倚欄干羅衣

澹映肉紅地蟋蟀秋蛩吟水灣夜深睡穩響綿蠻愁人酒醒
月西沉微風氣悄竹簾侵窅然如在萬山陰

三

前夕極炎今忽冷颯然一葉落金井蛩蟀沈沈花下吟小院
踈桐雜星影秋酒初濃菱芰鮮兒童兩兩弄三絃秋海棠爭
木犀妍八月將半月明鮮高歌莫待輪光圓

四

江山人人見人未見江山誰知千萬里一日能往還昔者盛

春兩草木積如烟何嘗問姓名去來秋水天策蹇破荒塗恐
爲人所先相隨廣柳車馳馳白雲巔黃河以曲長曲曲投滄
江蛟龍渡砥柱吹波觸天狼流火燦茅屋初曉卽博桑六月
飛寒雪震雷屬臘月騏驎捕碩鼠山精食薇蕨彼我生異同
蒼年悲白髮欲知白髮何處住青山自爾白雲去

月青歌

月明青青松影黑蕉葉桐葉爭顏色蟲聲唧啾四處來逐聲
求之全不得主人不是逐聲人千金一夕早晨貧貧雖貧分

一杯酒爾之千金我一口維君之酒我之詩此外無可云相
思牕南梧桐牕北葵何如海棠影輝輝于將初礪未曾試鉛
刀縱快何所至感君意氣爲君愁牡丹春好不好秋秋雨秋
雲秋月皎盡醉西風莫潦倒

苦蝗行

結茆十里城東隅老農老圃共晨夕經年跡不到城中踈懶
相宜久成癖枯旱塵絲掛野田豆花憔悴無光液乍聞有物
空中鳴蝗飛如蟻經天赤翅聲剝啄墜紛紛縱橫百里積盈

尺婦子嗷嗷爭不及丁村萬村淨如碧二時勞苦殊可憐飽
茲螟螣誰愛惜官吏追呼急于焚中夜思之若芒刺嗟我人
斯安所逡追呼不償死無益君不見古人苑中自吞蝗此民
之災我躬嘗又不見必令卓子康蝗不入境號循良非其人
兮民何賦我行其野歌旁皇

楚姬行 有序

癸酉之秋客淮陰遇楚姬曼麗貞于友人牛背亭之
水閣拈花分韻言無不解願者乃知姬非風塵子遂

訂盟別去後半載姬以手書及見懷詩來寄然書中
竟不言來自何所余裁荅之恐未有定處遂中止又
月餘接淮友北云云則姬之消息殆不可復得矣戊
寅春暮過臺莊遇蔣木生無意中談及姬事則木生
爲姬作押衙今已有所屬也余卽席率賦時三月二
十五夜木生各政芝宿遷人

春流東走無停處花開三月簇不住我自問花入山中主人
載酒移別墅座間有客廣陵來言愁縷縷紛如絮所言迺余

昔年遊淮南楓落醉深秋彼美人兮水之隅竹閣垂簾夜讀
書顏色絕世而獨立顧盼自憐掩鏡泣才爲衆妬身無屬苦
草依牆着雨綠細說行藏怨未平余亦和之楚歌聲蒹菼聞
橋菊滿籬夜深蟲語助人悲曉露零零歸步寒五更木葉響
闌珊忽爾清霜吹白鷗橫堦踈影梅花綻布帆旣掛各一方
夢魂千里人隔面舊題純扇殊可惜出入懷袖共朝夕登高
悵望遮浮雲欲去欲留江天碧前歲貽我薛清展牋上手書
跡宛然緘封將破有私記來遲不審何時寄述舊寥寥但數

言恨多繞作千餘字含吐再三句重迭讀到傷心堪痛絕茲
後消息不相聞何期意外更逢君事申情與情中事曲盡形
容忘避忌燭光冷照烟微明
月夜琵琶行

醉後贈羅商雨山人

洞庭山下羅商雨遨遊湖上五年許逢人沽酒不惜錢落落
客途能作主有酒到處皆爲家飲來不復計寒暑兼博物性
善烹鮮買得奇珍手自煮六十餘歲江湖間顛毛種種禿可
數生平未肯戒否人疑是阮公之後身凡所與交必名士羞

將肝膽託風塵余以村居人城少閉戶窮經蓬未掃偶然乘
興策蹇來如彼子猷訪安道火熟酒清月漸移空堦離亂花
陰倒天高露濕星斗寒圖書滿壁光線繞聞君明日過東山
山泉新水正潺湲歸歸何以爲余贈杖頭無數烟雲開我作
此詩醉已深若浮滄海奏鳴琴古人解佩貽良友不及開樽
詩一首只愁醒醉不同時來朝還似今朝否

月夜歸至耿莊

明月滿地如水白霜草濕濕生光澤野村犬吠鄉人疑籬內

大言遙相嚇闇者更深睡已熟暗中驚起呼巾幘門庭曲折
猶平日家人喜見若新客老父老母立燈前就視謂兒瘦于
昔先計遠來速治殮次問平安與踪跡老母從未歷江湖更
問老父兒何適天涯雖亦寄雙魚不及見分心格格吁嗟乎
古人既仕求終養晨昏不敢去其側未仕之人胡爲乎經年
萬里江湖游貽我高堂之嘆息

送李五曾之貴陽

丁未之秋游上谷與君飲馬長城窟東山旣登復北山八月

霜高雲影肅踞峯遙看蚩尤林秦漢武功宛在日賦詩不可
得同聲黃羊嶺外渾河綠分手歸來集玉橋燈宵更奏霓裳
曲碣石館前懸骨苑丈夫空老長爲霜投筆鞭馬復南征萬
里鳴刁鼓鬼方此時同社諸子皆壯之慈仁松古蔭瑤卮漢
家伏波陰五溪日南邵開銅柱低重鎬名姓滇黔西

題錢礎日十峯草堂

嵩華之西多寒山江淮之左多大川萬里見得氣蒼茫星海
桐柏相鬱宣蜀岷東走數千里河海通大湖連太湖七十

二峯高圍環丘阜散雲濤善卷洞捲張公洞起伏絡繹三吳
包陽羨梁谿峰有九秀峰云云自此間仲雍發精靈開
關東南文物藪有客遊雲霧九峰之一友曉月夕
嵐林石惟伊唔悲歌烟霞外有洞醜成惠山泉盡舫瑤笙香
霧靄我曾游歷遍十洲崎嶇峩嶇天西頭今將鼓枻梅里橋
吟白紵兮吹鐵簫九峰應肯結美人並我添作十一峯若有
若無爲蘆港之仙樵

出都門往游西山

岸高徑低沙塵聚亂風刺面如昏雨獸碑雜列朱檣間五傷
墳沼藏花樹自晨至午人間塵午後遊人無覓處村落旣稀
烟火寂古寺破垣僧散去遠峰變色暗夕陽盜賊持兵走荒
墓虎竹乘野亂奔林當道作威聲震怒鞭馬馬老委中途頑
石滑蹄束其步二僕携書隨行緩相隔一里不相顧遙瞻斜
嶺通白楊草根狼籍拖山路陟巖廻視來路封滿天明月收
羣霧

別都門

日光晨發滄海根初力照破飛沙昏上書不得見 天子敬
肅衣冠別都門都門別去將千里烟霧蒼白如秋水長征車
馬爭路行驢駝毛瘦腥風起近塞小兒吹蘆笳暮春雜落柳
桃花獨飲野店無親識一日數換主人家

次臨清程際飛張雲漢喻子卓招飲戲贈女郎傅大

數年別去今重過故交投轄將若何故交原從貧賤深安能
長往傷其心小妓初歌燕山詞角飲數杯如顛癡君不見一
斗亦醉一石亦醉之淳于髡視諸醒者正昏昏又不見阮籍
高卧隣女旁久之無他各相忘善飲在彼不在此美人何必
非君子

放船見障河者

橫板積水水不下源高舟放如怒馬舟尾羣將鐵纜留乘勢
號呼爭水頭岸淺石堅皆冠髻軋軋一聲無完舟旁觀嘆息
風波惡舟子茫然亂恨脚饑魚搖髭齧人肉同舟能笑不能
哭

分水龍王廟

世無酈道元誰爲水經註乃能窺源流南北分雙路南北各行數千里七十二泉相母子舟楫從是難易均國家命脉生于此命官治河屬大臣鍤鍤勞勞風波動不然錢穀百萬艘安得空言乞鬼神鬼神有功亦難覩彼河臣忠與怠圭璧枉沉犧牲死風濤無恙年年任

毘陵遇徐九一太史賦相逢行

與君別自長安市君開東閣延名士其時君有文章名我來呼酒君倒屣天子詔君奉母歸清霜兩岸梅花飛璽書高擎

學士船銀瓜雙送老萊衣聞我在此君來顧使我客中童僕亦光輝縹醪酒鴻鵠厄炙紅虬薦綠籠問近日之行藏發長歌以寄思星光在戶微風暗吹東山起月明西照河之湄又安知我之得意與不得意今日明日之爲何時

劉侗人北赴秋闈遇于虎丘月下詩以送之

微風夜起松陰亂歌聲清老吹不散美人遠五月明中見紅微見衣裳紅君從暗處呼余迴頭大笑過僧居昔年離隄長安市別後相思難致書高山深潭澗雷雨蛟龍無力雜蛇

處小兒詫怪蒼頡文指爲不祥驚且詛行空天馬脫驪黃世
間應自有孫陽雲漢昭回生匹練能使千人萬人見

黃華山觀戲

黃華山深積翠微東風將歇桃杏飛嘉菓珍肴笙管圍美人
歛步蹴紅衣素粧靚妓遠山眉歌喉引長嘯依依牡丹香
夢不歸亂我心兮如調饑愁殺雀臺張總幃周郎顧之懽且
悲上馬酣吟倒接離出城滿天星斗暉金闕鐘板誦陀尼宰
官居士笑同飯

石吹笳向北斗萬人垂涕連營走忽如西江老禪逗消息一
喝百丈鯨三日既有漁郎樵叟伐薪炊乃之冷冷亦有忠臣
孝子抑鬱無聊之啾唧我聞此間小吏焦仲卿姑媳諄語哀
難聽又聞此間神僧血白如銀膏鬚絲墜裏墮三刀孤猿啼
破清溪月炎天簫笛涼於鐵妮妮百句不停喉纔道不停條
而絕霹靂流空萬馬奔一聲斬住最驚魂更將前所說者未
完意淡描數句補無痕世間野史漫荒唐此翁之史有文章
章句腐儒道不出傳奇那色苦濃妝獨有此翁稱絕伎不可

無一不能二八十歲人若嬰兒聲比金石真奇異乃知天下
之事不論誰是與誰非難逃千載之下人刺譏蔡伯優孟起
九原定與柳翁奏塤箎柳兮柳兮豪布衣

題李武曾駕湖秋錦堂 嘉興人各良年

檣李橋陰紅樓綺菱菱荷芙蓉雲紫長隄宛轉抱烟闌畫船
如綉笙歌起中有靜者枕書眠小搆茆齋楊柳邊不逐春光
愛秋光天碧水澄萬樹霜霜夜月明照鬢眉賓客呼酒賦新
詩吳山晴影送漁帆東下滄江三島涵扶桑曙色綠金雲

月夜西莊泛舟過華嚴寺舊居

淺溪蘆苗舟行遲橋旁倩力其挽之纔入深溪西風來掛帆
疾走如奔雷官堤兩岸胥垂楊絡繹魚脊綠岸長小兒誦詩
十餘首出坐蓬牕納野涼薄暮近城月漸起城外樓閣漁燈
裏渡口語未分田上晚歸呼舟子月起漸明雲漸收皎

皎銀河晴萬里村落粘天屋倒垂樹根星影懸水底濁灘數
尾篷數聲似有解人隨路聽漫繞城東入湖去冥然回首煙
青青湖平四望雜草無蒼茫暗綠盡秋蒲蒲密風遮蚊蚋集

白在山人詩集卷四
一齊欵乃撐船急湖鳥夜驚飛翩翩到家扣門人墜熟

漁翁醉

山雨秋綿湖水盈大山浸麓小山平怒風闖波天水冥如聞
百萬戈甲爭惟獨漁船來往輕搖入葦葭深處橫風息捕魚
風起停將魚換錢夜沽酒滿湖山月繞船走戈甲相尋不知
足恩讐驅使英雄哭都是風波路上人試問誰與風波親

牧童曲

沙田種楊柳溪灣注秋水深村徑僻多煙蘿行人錯走蘆塘

裏小橋東折酒帘香農夫辛苦何曾嘗牧童摘瓜醉籬旁一
路山歌驅牛去飯牛已肥醉不妨

逢夜吟

夜星射泥黑鬱寒詰朝雨老農飭廩枷乘露打秋黍拵扉坐
虛聽蚯蚓石根語既幽且長節奏生林風徐引入蟬聲微步
蒼苔低耳尋秧輟觸上驚沉沉河漢漸西移似縷薄雲渡月
湧光始穿歷歷天東樹愁來倒篋床睜目看屋梁慘淡起行
竹陰外三枝五枝橫北牆大墀閣門兒女靜四無燈火煙如

霜低回將倦鷄鳴時忽然幻夢出空竒踪跡破碎非人境欲
醒不醒魂支離舒身大叫心胸苦家人高枕安得知

溪上吟

湖水通野田種秫蘆溪澗溪平沒秫穗蘆深隱漁船岸外高
樓三五處湘簾影壓垂楊樹欲捲不捲樓上人日落秋蟬鳴
不住東山烟白月光攢數聲簫鼓西橋灘頽然獨醉歌且歸
暗風半天烏鵲飛

問接花者

種桃接梅樹梅花滿樹開去年賞花者重尋舊路來舉頭看
樹上桃花安在哉試問花有主人否此花是桃還是梅

答

花開豈無主賞花莫賞枝恃此故根力翻與故根辭故根辭
不去接者徒相欺接非其種開幾時開時不知落時知花兮
開兮空爾爲

卽事書友人扇

長隄踈樹籠烟樓黍光初碧盈南疇野徑微通深竹裏障泥

斜踏栢亭秋亭前黃鳥啼桐葉華山峰隔晚雲接美人中酒
裙羅裳夜臥琴輒當鴛床朝來風雨拔林木與君洗腳束圍
麓風雨纔收水潺潺不醉不醒行又還

爲梁伏村醉後書

七哀與八哀詩成無一句千哀百哀人哀極不能住豈惟不
能住竟是不能哀白日青天路君從何處來生兒不得婚生
女不得婿總是白雲翁一笑倏然去誰則無玉堂誰則無松
籬把酒花間唱星輝竹上枝我已作死灰人說不復然天意

不可知然之或有焉人生自有妻人生自有妾花間一段香
不顧聞枝葉我說我可憐人說人可憐人憐我死後我憐是
生前欲死死無名欲生生無地孤孤亡命人昧心談文字文
字未嘗非時窮識者稀靈光殿歸然其人竟安歸時花放丁
亥明珠藏一顆知我獨有君知君獨有我君知我兮烟霞侶
我知君兮金碧色試將烈火鍊金碧寒星迸躍光千尺

贈張冲玄 河南扶溝人

兩年 走河南路山由山風無住處蕭條萬里不見人鄉村

寂寞晴天霧金粉泥泥影大梁杞南松墓眠商王掃却荆榛
攝衣拜登巔四望氣蒼茫有個主人號冲玄博學雄才詩百
篇兩株怪棗樹庭前徑如其人鬢髮然

贈張先誠 西華人

勻勻平坡數百里一蹇策來東風紫遙遙窮路主人奇錦石
紅櫛綵樹披山海之珍味家常古今各盡縣草堂無限亭臺
皆火雲廻看紅綠花紛紛刺得臘梅放塔前留余相伴瓶花
眠昨日酒多今日倦高譚適意復陶然君不見山子頭南豈

峰霞但醉君家卽我家

採桑曲

種桑人家十之九連緣不斷陰下畝年年相戒桑熟時畏人
盜桑晨暮守前年災水去年早私債官租如火鍛今春差覺
雨風好可惜桑田種又少採桑女子習于男曉露浸鞋携笻
簞幼年父母貴女紅蠶事績事兼其中桑有雅壯與瘦肥亦
有蠶飽與蠶饑忌諱時時外意生心血耗盡萬句成織不及
匹機上賈急償官租與私債促織在堂絲已竭機杼西墜響

不絕殘歲無米貸人苦妄意明年新絲補

晤易曦侯

黃岡人各道遲流冠破死節

我昔渡江來石頭君已先發渡江舟及今空憶十餘載吳門
五月披羊裘旗鼓我與君相管墀座中如髑髏出其文章
數萬言表裏六經相稽求虞卿博學以書傳著書安得謂窮
愁君不見黃河東下走滄海橫截衆流色不改丈夫中立天
地間勿爲其易爲其難勿爭一時爭千載

別文初

諱宗典

與君夜棹淮南路風雪萬嶺巖將暮詩文多得之牢騷意言
相長精神聚步兵不肯浪交游白眼耳爲庸人妬曲致微心
微乎詞讀者戚戚生感悟吳門追隨半載餘破帆千里獨歸
去榴花隔籬照葛巾菱荷滿渚吹晨露功名富貴非所難忠
孝不成君子懼願從此地慎潛修勿徒江上歌紅樹

別瑞初

諱宗昌

三載之前醉長安三載之後醉江干長安別君春未暮吳門
別君暑已殘將行且復造其廬靜不聞聲惟若虛蟬鳴村柳

野無人一溪新水栽萍渠問余再晤期何時懼不如期不敢
期山河能鑒歲寒盟風樹堂高月旦評

鉅野行爲畢開之

荒原土花乾欲紫策蹇西行數百里窮鄉來去皆枯墳蒿井
頽垣沙礫裡偶爾遙聞雞犬聲草蓬深處敗墻橫問路竟日
無來人破樓斜角半天撐其間退藏吾老友喜予命駕出村
酒書畫滿堂設棋枰燈光夜半不停手石榴花瘦青桐孤琴
磚列坐看星斗生平誰無好行藏東風吹得竹琴香明朝我

不知何之醉裏高歌夢裏霜

虎丘遇陳聯芳

東山荒石林無葉千里童童影截業幽寒詭異發精靈雜產
黃銀兼碧鐵抱犢峰高接琅玕紫雪深處閃銅華陳子生平
喜任俠心豔其說往移家余謂陳子此事幻山澤不受凡夫
鍊漢文龍賜天臣錢衣無寸緡食無飯與其虛招金埒各何
如耕稼其貧賤今冬忽遇半塘橋霜烟漠漠風蕭蕭真孃塚
次青帝飛把酒閒聽竹枝詞明朝玄菟共尋梅七十二峰香

滿衣

桃花城秋夜贈方爾止處士

桐城作者方爾止。余昔聞之陳百史。既而交其侄密之。益復思之無已時。風雨鷄鳴三十年。今秋共醉廬。江州悲歌抵掌話生平。贈我短篇金石聲。博物洽聞近代希。不事王侯其布衣。尚論古今作詩史。晉唐三子皆王子。異代同年殊不偶。畫成一圖傳不朽。車馬如雪桃花城。繚繞松阡月四更。野橋荒夜山犬睡。茅店滅燈松響碎。歸來僧舍聽寒聲。踈樹接天

星。昔人蜀之峰光深紫銀。漢橫凌巢湖水。

題方爾止四王子圖 陶靖節杜少陵白香山皆王子年

靖節先生家柴里。高臥北牕微不起。人知其卒在元嘉。不知

其生歲。王子杜陵天寶之。詩人香山變為長慶體。迨有明兮

下餘年。桐城牯生方爾止。四子皆以王子生。先後文章輝青

史。畫作詞壇聚講圖。著其十支稱世紀。我聞宗氏少文喜。卧

游滿屋琴書盡。山水撫絃動。揮萬峰鳴如。置身在烟泉裏。又

聞謝子敬。微愛出兵。長嘯對孫登。古人破不問窮達。

往輒復有深情爾止此圖傲古人自命風雅之功臣上下千秋若同堂且暮遇之須眉新惜哉漢圖無畫工不圖風雅圖麒麟。

太原贈周計百

歲在重光大淵獻陽月晴空浮雲散營室之星皎昏中樵漏初長明月爛客在太原郡齋西主人下榻開華宴黃花未殘接暖帷繡魚尾長玳鱗燦盈架圖書押玉籤蚪蚪文雕垂金琢長安千里驛符飛主人各姓題築殿漢家嚴選二千石卓

見山堂歌

爲楊猶龍作

鉅鹿楊生美如璧曾爲史臣又方伯燕趙悲歌萬里來秦川蜀嶺皆聲色爰構一堂曰見山厥義取諸陶彭澤北枕玉臺南錦屏對武侯祠側滕亭高上竹翊金鳳尾美人蕉展翠魚翎閩州地暖天氣嬌非晴非雨烟瀟瀟翠嶽不停林徑變十二時中時時看人馬低昂結雨聲客棧曲折湖三面畫工濡筆而失之漁郎迴首桃源幻日成心賞故難言多少忙人都不見紫桃華紅豆案懸筆蒲江硯臨風忽聽巴渝謠思鄉更

寫連雲棧蹲鴟煨郵筒醺野賓啼僊驥舞驪獵郊而弋熊窟
圍峽而圈虎笑長卿之倦游比太冲於儉父聊以官爲優孟
塲不如堂作青山王所見之山堂之內未見之山山之外山
外之山見無窮無山不見此堂中堂兮山兮見楊公

玉峰獵有序

川北楊總戎十月既望獵於閩中之玉峰招余往觀
將以騎射犬鷹示武於遠人也圍合而復移者三竟
日無隻蹄片羽楊不樂余作此歌志之
時同楊猶龍孫黃中離指

和尙

錦屏冬曉花光爽日映江嵐浴金碧一夜寒颺霜樹刑鷲鳥
欲搏鼓其翼將軍下令獵郊南錦馬貂裝綠玉鐔健兒高呼
嵩指示綵旗如豆搖峰火惜矢雅翎魚貫入玄罽七紅琴不
及山鬼有靈先告之千林如掃無蹄迹鐵絲嶺北黃栌村天
童老衲揖將軍此村遭亂三十載居民皆避過易勝處劉者
多子遺少山澤幾曾有餘珍願爲鳥獸乞微生將軍且有無
敵名百戰百勝事尋常何如不戰而屈人之兵將軍擲弓催

田鼓白云射楊兼射虎終朝獵不獲一禽英雄安所用吾武
蕉鹿夢蝶影茫然漁歌歸去扣沙舷臥龍祠西海棠川鐵笛
橫吹離堆烟浮橋風夜水濺濺離堆山在蒼谿縣城北

歌臺猛士行

辛巳三月二十九日事載文集

湯沐之鄉多猛士風雲附會高皇帝粉榆勝跡兩千年尚有
蕭曹功臣喬屠沽酒媪悉英雄海內何人敢輕視辛巳之年
三月暮荒歲民饑逃滿路揭竿四起夫潢池幾飛曾不計其
數直過湖陵犯歌臺深宵烽火如碁布余心惡之傳私令隣

里兒童皆聽命鄉兵不與官軍同止可用奇不用正鐵馬金
戈農夫少旌旗虛插垂楊杪深春上氣發州光上波搖動白
茫茫賊自西徧向東視人影浮空幾丈長步者森森誼鼓砲
轟者隨余搗中央直入前茅穿背後淋漓血濺綠沉鎗賊方
募食尋攻具聞信闐然各奔去別遣餘賊焚吾廬樓廳圖史
盡灰墟破我一家救一城城上觀明謝再生豈知此非我所
能迺是吾鄉子弟兵戰罷疾書猛士銘配大風歌勒泗亭

秋夜塔兒頭卽事

地在淮城東南六十里再彭墓其先
府君處

西鐵水漲連東海

西鐵橋在淮安新城西門外一名西義

兩岸平沙積牒千

村百村皆青畦
杭田豆田籠烟靄
黃河龍性最難馴
嘉禾菰

熟滄桑改素封
擇地葬先人
葬後子孫每賤貧
天地常爭新

世界山川不結死
星辰湖中僅有朱仙墓

墓在淮城西北湖中

乘氣難

求郭景純塔兒莊
上多銀桃隣舍漁翁薦
蠓螿青英烏菱帶

露摘磁盤洗出下
醇醪箏箏迭奏竹枝涼
蚊蚋薨薨秋夜長

痛飲酣眠日射牕
醒來滿院木梨香

游平山堂

凍路泥枯霞影黃
澗吹老冰生午涼
白雲起伏峰岑寂
銀杏

葉葉帶紫霜
當年永叔構斯堂
一丘一壑入文章
山色有無

隔江南金焦北固
烟蒼蒼謝公嶺上
傳歌伎何遜梅花
滿署

香垂楊隄斷酒帘
稠殿脚佳人唱玉
鉤二十四橋夜漏
沉滿

天螢火燒迷樓開
樽先醉張公子
憐他只合揚州苑
十里長

街半蕭條山光禪
智餘基址史稱煬
帝何愚頑彼亦人
生行

樂耳榮華顛顛總
荒丘縱不愚頑終
至此君不見簫管
紛紛

歸盡船月明空照
那江水

虞山寒食行

去歲清明游匡廬。今歲清明游海虞。匡廬之勝在山巖。海虞之勝在山前。山前山前七浜像。七絃邑以此名號。琴川琴川坵墓纍纍然。鬼火多於市。窳烟四時無日不。諠闐惟獨寒食更堪憐。哭聲蕭瑟歌聲妍。蒿里曲中雜采蓮。新貴宦成買舊阡。舊宦兒貧掘祖先。死死生生歸夜泉。典衰反掌此一卷。櫻桃欲放牡丹殘。金筍瑤笙坐繡氈。微醉佳人墮釵鈿。斜陽鴿影墜峰肩。

漳南行

西門豹祠在銅雀臺東

鯨背橋南看春雲。楊柳垂垂千萬村。古樂再穿膏澤兮。家宗賽社熟鷄豚。持酒登堂時。西門郭城下。載升棠芬掃除東。閣待嘉賓敲碁局。製賞鴻文贊皇萬軸不足云。野老時像耳仁。

一八一八...